

受菩提心戒儀

普賢 瑜伽 阿闍黎 集

唐特進試鴻臚卿三藏沙門大廣智不空奉詔譯

最上乘教受戒懺悔文

弟子某甲等稽首歸命禮徧虛空法界十方
諸如來瑜伽總持教諸大菩薩衆及禮菩提
心能滿福智聚令得無上覺是故稽首禮
禮佛真言曰

唵薩縛怛佉孽多引跛娜滿那喃迦嚧彌
次應運心供養

弟子某甲等 十方一切刹 所有諸供養
華鬘燈塗香 飲食幢幡蓋 誠心我奉獻
諸佛大菩薩 及諸賢聖等 我今至心禮
普供養虛空藏真言曰

唵誡誡曩引三婆縛縛日囉合二斛

次應懺悔

弟子某甲等	今對一切佛	諸大菩薩衆
自從過去世	無始流轉中	乃至於今日
愚迷真如性	起虛妄分別	貪瞋癡不善
三業諸煩惱	及以隨煩惱	違犯他勝罪
及餘罪愆等	毀謗佛法僧	侵奪三寶物
廣作無間罪	無量無邊劫	不可憶知數
自作教他作	見聞及隨喜	復依勝義諦
真實微妙理	聖慧眼觀察	前後中三際
彼皆無所得	自心造分別	虛妄不實故
以爲慧方便	平等如虛空	我悉皆懺悔
誓不敢覆藏	從今懺已後	永斷不復作
乃至成正覺	終更不違犯	惟願十方佛
一切菩薩衆	哀愍加護我	令我罪障滅
是故至心禮		

懺悔滅罪真言曰

唵薩縛波捺賀

引曩嚩日囉

二合野引娑嚩

二合賀引

次當受三歸依

弟子某甲等 從今日已往

歸依諸如來

五智三身佛

歸依金剛乘

自性真如法

歸依不退轉

大悲菩薩僧

歸依三寶竟

終不更歸依

自利邪見道

我今至心禮

三歸依真言曰

唵步引欠

次應受菩提心戒

弟子某甲等 一切佛菩薩

從今日以往

乃至成正覺 誓發菩提心

有情無邊誓願度

福智無邊誓願集

佛法無邊誓願學

如來無邊誓願事

練九

三二

無上菩提誓願成

今所發覺心 遠離諸性相

蘊界及處等

能取所取執 諸法悉無我

平等如虛空

自心本不生 空性圓寂故

如諸佛菩薩

發大菩提心 我今如是發

是故至心禮

次誦受菩提心戒真言曰

唵冒地唧多母怛波

二合那野引彌

最上乘教受發菩提心戒懺悔文

弟子某甲等歸命十方一切諸佛諸大菩薩

大菩提心爲大導師能令我等離諸惡趣能

示人天入大涅槃是故我今至心頂禮弟子

某甲等十方世界所有一切最勝上妙香華

幡蓋種種供養奉獻一切諸佛菩薩至心頂

禮弟子某甲等自從過去無始已來乃至今

日貪瞋癡等種種煩惱及忿恨等諸隨煩惱

惱亂身心廣作一切身業不善殺盜邪淫口
業不善妄言綺語惡口兩舌意業不善貪瞋
邪見種種煩惱無始相續纏染其心令身口
意造罪無量或殺父母殺阿羅漢出佛身血
破和合僧毀謗三寶打縛衆生破齋破戒飲
酒食肉及食五辛如是等罪無量無邊不可
憶知今日誠心發露懺悔一懺已後永斷相
續更不敢造惟願十方一切諸佛諸大菩薩
加持護念能令我等罪障消滅

弟子某甲等自從今身乃至當坐菩提道場
於其中間歸依如來無上三身歸依方廣大
乘法藏歸依一切不退菩薩僧歸依佛竟歸
依法竟歸依僧竟從今已往更不歸依二乘
外道惟願十方一切諸佛證知我等至心頂
禮弟子某甲等始從今身乃至當坐菩提道

謹九

廿二

場於其中間誓發無上大菩提心

衆生無邊誓願度 福智無邊誓願集

法門無邊誓願學 如來無邊誓願事

無上菩提誓願成

今所發心復當遠離我法二相顯明本覺真
如平等鏡智現前得善巧智具足圓滿普賢
之心惟願十方一切諸佛諸大菩薩證知我
等至心頂禮

南無東方阿閼佛 南無南方寶生佛

南無西方阿彌陀佛

南無北方不空成就佛

南無清淨法身毗盧遮那佛

最上乘教受戒懺悔文

受菩提心戒儀